



## MITDELIN KHUA A HMÛ

CHÂNGVAWN: “Hmangaih tawp lovin ka hmangaih che,” (*Jeremia 31:3*, NIV).

Chhiar Tûr: “Tirhkohte 9:1-9; *Tirhkohte Thiltih*, pp. 112-121; *Thuziak Hmasâte*, pp. 170-172.

A Thu Zirtîr: Pathianin min hmangaih a bâng ngai lo.

**M**i tuin emaw midang an tiduhdah lai in school-ah emaw in thenawm khawvengah emaw i hmu tawh mai thei. Nangmah ngei pawhin tiduhdah i tawh tawh mai thei e. Mi tiduhdahtute chuan midangte tih hlauhthawn an tum thîn. Saula pawh chu midang tiduhdahtu a ni a. Puithiamte hnen aţangin Kristiante tiduhduh phalna a la a. Mahse Saula tan chuan Pathianin ruahmanna dang a nei thung.

**S**AULA thinur mitmeng thîp tak chu a hmingthang hle a. Thlîpui lo thàwk tûr chhûm dùm tûr ngùn ang maiin a tîhbaiawm a. A awrawlte chu khawpui ri ang mai a ni a. Amah chu kawlphein a hual vel lek lek a ni ber mai. Têk ang maia hlauhawm a ni bawk a. A dam chhunga a thil hlen chhuah duh ber chu Kristiante zawn chhuaha tih chimih a ni hial mai.

Saula leh a thuihhruaite chuan zawn nei tih hriat takin kawthlerte an han fang vel a. Khaw hlui upa tawh tak Damaska khaw lam an pan a. An lehkha pawimawh kenah chuan Kristiante man phalna a chuang kiau mai a. Kristian an mante chu Jerusalem-ah thah turin an hruai haw dawn a ni.

Chhun nisa rum rût chuan chung khualzin ho chu a chhun a. Mahse dîng takin an kal zel a. Chau viau mahse an tihtur hlen chhuah ngei an tum tlat a. Ni tlemte chauh an la thang nachungin mel 150 lai an kal tawh a. Tunah chuan Damaska khua chu an hmu thei lek lek ta.

Ni dang nen a danglam êm êmna an hre lem lova, mahse engmah thawt lawkna awm lovin thil a lo thleng ta phut mai! Ni zung aia êng nasa fê zawk eng zung van aţangin a lo chhuk a! Mak an ti lutuk chu khualzin ho chu leiah an tlu thlawrh hlawm a. Saula chuan chu êngzung êng tak mai chu a lo en siah rawk mai. A suangtuahna mai mai lah a ni si lo, mak a ti kher mai! Chu engah chuan Isua a hmu ta tlat mai le!



Tichuan Isuan amah chu a han bia a, “Saula, Saula, eng ngati nge Mi ti duhdah ni?” tiin a han zawt a. Chu veleh Saula chuan thil awmdan a hrefiah thiam ta uar mai a. Isua chu Pathian a lo ni ngei mai! Kristiante rindan ang chiah chuan thihna ata A lo tho leh tak tak a lo ni a. Isuan a hnena a thil rawn sawi awmzia tak chu, “Saula, Ka hnung zuitute i tihduhdah vaih chuan, Keimah ngei Mi tiduhdah tihna a ni,” tih a hrethiam nghâl vek a.

Saula chuan mak tiin mit la lo lêkin a thlir reng a, “LALPA tunge i nih?” tiin a phun sep thei chauh va. “I tihduhdah Isua kha ka ni,” tiin Isuan a chhang a. “Tho ula, khawpui chhûngah chuan lût rawh. Chutah chuan i tihur an lo hrih ang che,” a ti a. Chumi zawh chuan êng chu a ral leh ta a. Saula zinpuite chu ãawng ngaihna reng hre lovin an lo ka hau hlawm a. Eng chu an hmu ve ngei na a, Isua erawh an hmu ve hlawm lo thung. Rî pawh chu an hre na a, Isua thusawi awmzia erawh an hre lo. Thei leh thei lovin an han tho chhuak a, meng phawk tak chungin an inen kual hlawm a.

Saula pawh chu a han hawi kual vel ruai a, mahse engmaha hmu ve thei ta lo. A mit a del ta tlat mai! Khaw êng chhe te mah hmu thei lovin a mit chu a del Chiang hle a. A veilamah leh dinglamah han hawi tawn vel a, “Engmah ka hmu thei miah lo mai a,” tiin a phun sep a.

A ãhiant e chuan Saula chu a kutah an kai a, khawpui panna kawngah chuan an chhawm thla ta



hnak hnak a. An kawng zawh dan chu a mak ta hle mai! Minute reilote liam taah khan Saula chu Kristiante zawng chhuak a man thei êm êm kha a ni a. Tunah erawh chuan naupang kal zirlai ang maiin kawngah kaih a ngai ta.

Vaivut karah chuan Saula chuan a ke chu a chhiep thla ve zel a. Mahse khawi lamah nge hruai a nih pawh a ngaihtuahna luahtu a ni chuang lo. A rilruah chuan thu pakhat chauh a ngaihtuah a. ‘Isua ka hmu tlat! Isua ka hmu tak tak!’ tih chiah a ngaihtuah a.

## TIHTÛR

### **Sabbath**

- In chhûngte nen khan leng chhuak ula, Saula’n Damaska khua a pan angin han kalder vel teh u. Engtin nge a kal ang? Chak tak nge, muangtakin? A kete kha a hnuk delh delhin in ring em?
- Map ah khan Damaska a ãanga Jerusalem hlat zawng en teh u. Tunlaia khawi ramah hian nge chumi te khaw pahnih chu an hmuhchhuah?
- Him taka in kaltheih avangin Pathian hnenah lawmthu sawi rawh u.

### **Sunday**

- *Tirhkohte 9:1-9* hi In chhûngte nen chhiarin sawiho teh u. Saula eng hmuh kha sawiho ula, chuan Bible a eng tih awmna thawnthu zawng zawng han sawi teh.
- Paper kha fan thleh angin vawikua thlep ula, chuan thinlung lem chanve ziak rawh u. In chehthlak pahin tlem tichuang zel ula, in pawh mar hunah chuan a loin zawm diat diat mai ang. Tah khan in chângvawn kha thumalte tein ziak ula, in thiamhma chuan, a changin thlep leh enin in zir dawn nia. Hemi hmang hian in chhûngte zirtir ve ang che u.
- Pathian fakna hla sa ula, chuan a hmangaihna tawp lo avangin lawmthu sawi ang che u.

### **Thawhtannî**

- Chhung inkhawm laiin, *Tirhkohte 22:3-11* hi chhiarin sawiho teh u. Bible hunlai kha chuan Damaska aţanga Jerusalem kal turin ni nga aţanga niruk an mamawh thin a. Map kha en leh ula, Saula kha nikhatah mel engzat nge a kal thin? Tah hian a zat ziak teh u. \_\_\_\_\_
- Saula chu engin a mit a chhun mitdel a. Minute nga chhung room thimah mit tuam chungin han kal kual vel teh u. Hmuthei a in awm avangin lawmthu sawi rawh u.

### **Thawhlehnî**

- In chhûngte nen khan, *Matthaia 3:13-17* a van in hawn leh dan chanchin chhiar teh u. Enge lo thleng? Nieng emaw thil eng tak en hi enge a hlauhawmna?
- Mi pahnihin a chhawkin, in kuta chelha inhruaitir emaw, nangman hruai turin ti teh u. Kawnga kal chu engtin nge a awl dan? Mihruai nih nge nangman midang hruai kha awl zawk?
- Kawng dik kan zawh theih nan Pathianin a Fapa a rawn tirh avangin lawmthu sawi rawh u.

### **Nilainî**

- *Matthaia 18:21-35* hi chhiar teh u. Thilsual kan tih a, kan laka Pathian rilru puthmang hei hian engtin nge mi hrilh? Vawi sarih hmun sawmsarih chu engzat nge? Midang kan ngaihdam zat hi kan chhiar tak tak tur a ni em?
- Mawmbati chhî ula, chuan Pathian khawngaihna midang kan hrilh ve dan tur sawiho rawh u. ‘Ka engte tak te hi’ (No 58) tih hla hi in ţawngţai hmam sa ula, chuan mi khawngaihna thinlung in neih theih nan dil rawh u.

### **Ninganî**

- *Johana 3:16* hi vawiin chhung inkhawm chu chhiarin sawiho teh u. In chângvawn kha sawiho ula, chuan in chhûngte kha in hmangaih a ni tih in hrilh dawn nia.
- In ţawngţai hmam in chângvawn kha ennawn leh teh u. Pathianin in chhungkua hmangaihna maktak a, a hmangaih che u avangin lawmthu sawi ang che u.
- In nute hnenah khan thinlung lem chhang in chhûngte pek tur in ur theih leh theih loh zawt teh u. Zirtawpnî zan atan a then in dah tha dawn nia.

### **Zirtawpnî**

- Chhung inkhawm laiin, *Tirhkohte 9:1-9* hi chhiar nawn leh ula, chuan in chhungte nen chang ho dawn nia. Ţawngţai hmam Pathian fakna hla sa ula, tunkar chhunga a awmpuina che uah lawmthu sawi rawh u.
- In chhang siamte in chhûngte in eitir pahin, naktuk engtin nge hman in tumdan sawiho ang che u.

# PUZZLE

## MITDELIN KHUA A HMÛ

**Kàwhhmùhna:** Hêng zàwhna hrang hrangte hi tûn kê zirlai bèhchhànin chhâng ang che:

1. Saula kha engang mî nge ni? (Nêlawm/hlàuhawm) tak a ni.
2. Khawi khaw pánin nge a zìn? (Jerusalem/Damaska) panin.
3. Engte tih a tum? (Thú hríl tûrin/Kristiante tidùhdàh tûrin) a ni.
4. An kalna tûr kha engtia hlâ nge? (Mêl 150/KM 100) vêla hlâ.
5. Kalkawngah engte a hmùh tâk? (Ní-êng/Isuâ inlâr) a hmû.
6. Tûin nge Saula hnênah thû sawi? (Ramhuaiin/Isua'n) thû a sawi.
7. Eng ti tûra hrilh nge ni ta? (Hâwng leh tûrin/Khawpuia lût tûrin) hrilh a ni.
8. Saula hmíng thár kha engte ni? (Paula/Saula) a ni.
9. Saula kha khawi khaw chhuak nge? (Jerusalem/Tarsa) khaw chhuak.
10. A pianthàr entîr nân Saula'n nge a tih tâk? (A lâm/baptisma a chang).

Thumal thenkhat chu hawrawp pakhat lek han thlâk hian awmzè dang dáih a nei thei tîh a. Tûnah entîr nân, 'Beisei' tîha 'B' hi 'M' hmagin lo thlâk tak ila, 'Meisei' a lo ni dáih mai ang. Chutiang chuan box chhûng chung zâwka hawrawp hmasa ber zêl hi hawrawp remchâng dangin han thlâk zêl teh, engtín nge a awmzia a lo danglam hriat i túm dâwn nia.

